

## **АКАФИСТ СВЯТЫМ ЦАРСТВЕННЫМ СТРАСТОТЕРПЦАМ\***

### **Кондак 1**

**Избраннии царственнии страстотерпцы седмочисленнии, / Христу Богу, яко агнцы непорочнии, в жертву принёсшиися, / земли Российския хранителие и моли́твенницы, / яко стяжавшии от Царя царствующих и Господа господствующих благодать моли́тися за ны, / от всяких нас бед и напастей свободите, / да благодарственно восхваля́ем вас:// Радуйтеся, ца́рственнии страстотерпцы, Руси Святыя похвало и украше́ние.**

### **Икос 1**

**Ангели Божии, хранителие душ и телес ваших, наставляху и укрепляху вас, святии, не токмо во страданиях, но присно утверждаху во истиннем пути, да будет житие ваше праведным к увенчанию мученическому; темже прославляем вас сице:**

**Радуйтеся, страх Бо́жий / в сердце, яко основание, положи́вшии;**

**радуйтеся, премудрость Бо́жию / издетска возлюб́ившии.**

**Радуйтеся, не яко наёмницы, / но сыны Божии, Господу угоди́вшии;**

**радуйтеся, яко и зва́ния / друзей Божиих удосто́ившиися.**

**Радуйтеся, христианскаго благоче́стия / твердое пра́вило;**

**радуйтеся, православныя ве́ры / крепкое испове́дание.**

**Радуйтеся, царствующаго ро́да / Российскаго утвержде́ние;**

**радуйтеся, страждущаго народа нашего / утешение.**

**Радуйтеся, царственнии страстотерпцы, / Руси Святыя похвало и украшение.**

---

\* Текст акафиста святым Царственным страстотерпцам утвержден Богослужебной комиссией и Священным Синодом Русской Православной Церкви на заседании Св. Синода от 17 июля 2002 года. © журнал "Церковный вестник", 2002.

## Кондак 2

**В**идящи Пресвятая Дева скорбь, стенание и плач народа нашего, егда смутная времена насташа, умилосердися и ява милость Свою чрез икону, именуемую Феодоровская, во избрании законнаго от Бога Михаила царя, да будет икона та покров и защита ему и всему новоизбранному царскому роду и во утверждение державы Российския. Сего ради мы благодарственно вопием Богу: **Аллилуиа.**

## Икос 2

**Р**азумеша людие Российстии, яко Господь избранием на царство Российское новаго рода от благочестиваго корене утиши нестроения, смуты, мятежи в земли нашей и мир и благостояние Церкви Своей дарова. Мы же к вам, царственнии страстотерпцы, яко рождем от ветви сея благословенныя, со умилением вопием:

**Р**адуйтесь, венѣц и похвалó/ рода царскаго и священнаго;

радуйтесь, корене благочестíваго/ преславныя óтрасли.

**Р**адуйтесь, Российскаго патриарха Филарѣта/ и великия старицы инокини Марфы святое наслѣдие;

радуйтесь, благочестия двóицы сея/ преславное исполнѣние.

**Р**адуйтесь, священнаго праотца вашего любовь и рѣвность/ о православном Отечестве наслѣдовавшии;

радуйтесь, преподобныя праматере смирение и уповáние/ на помощь Божию восприѣмшии.

**Р**адуйтесь, прадеднаго благословѣния/ Божия Матере удостóившиися;

радуйтесь, благословение сие, я́ко залóг,/ даже до смерти мученическаго соблю́дшии.

**Р**адуйтесь, царственнии страстотерпцы,/ Руси Святыя похвало и украшение.

### Кондак 3

**С**ила Божия и промышление Всевышняго явися в рождении твоём, царственный страстотерпче Николае, великому бо чудотворцу Мир Ликийскому уподобився, новый заступник Российския земли показался еси, многия же скорби и болезни, яко праведный Иов, в житии претерпев, ныне с лики мученическими наслаждаешься райскаго блаженства, воспевая Богу: Аллилуиа.

### Икос 3

**И**мея сугубыя заступники и покровители, Иова праведнаго и Николая святителя, в рождении твоём, державный страстотерпче, добродетели тех в сердце стяжал еси. Мы же, благодаряще Бога и дивящися Его всесильному промышлению о тебе, благоговейно воспеваем сице:

**Р**адуйся, в молитвах святителя Мир Ликийских/ присно призываяй;

радуйся, того по́мощию/ Российскую державу праведно окормляяй.

**Р**адуйся, сердечным попечением/ о людех тому уподобивыйся;

радуйся, милосердие во всех дѣлех,/ якоже оный, явивый.

**Р**адуйся, истину и верность во всем житии твоём,/ яко Иов, сохранивый;

радуйся, кротость и незло́бие/ того в сердце твоём стяжавый.

**Р**адуйся, в тяжких бедах, якоже многострадальный праведник,/ устнама пред Богом ничимже согрешивый;

радуйся, вся приключаяся тебе/ благодарно со смирением терпёвый.

**Р**адуйтеся, царственнии страстотерпцы,/ Руси Святыя похвало и украшение.

## Кондак 4

**Б**урю смущения, воздвигаемую от человек злочестивых в стране нашей, твой державный родитель рукою крепкою укроти и царство Российское цело и нерушимо тебе в наследие даде. Обаче завистию диаволею земля наша в вящшее искушение ввержена бысть и ты, угодниче Божий, отверже. Ты же, святче, провидя сие поущение Божие за грехи людския, усердно Богу воспевал еси: Аллилуиа.

## Икос 4

**С**лыша наставления державных родителей твоих и праведнаго Иоанна Кронштадтскаго, како подобает православному государю быти, положил еси в сердце, царственный страсотерпче Николае, православие, державу и народ Российский во единстве блюсти. Сего ради мы воспеваем тебе тако:

**Р**адуйся, благочестивых родителей/ отрадо и утешение;

радуйся, мудрых наставлений/ исполнение.

**Р**адуйся, издетска вере/ и благочестию наученный,  
радуйся, в любви к Богу/ и Церкви укорененный;

**Р**адуйся, в верности ко Отечеству/ и народу своему воспитанный;

радуйся, душу свою/ за него положить готовый.

**Р**адуйся, царский венец от Бога/ с благоговением восприимый;

радуйся, дара Духа Святаго на царское служение/ в помазании миром удостоенный.

**Р**адуйтеся, царственнии страсотерпцы,/ Руси Святая похвало и украшение.

## Кондак 5

**Б**огосветлая звезда во мраце скорбей благоверней супружнице твоей явился еси, царственный страстотерпче Николае, указуя и возглавляя путь ея, якоже повеле Господь. Мы же, прославляюще ваш благословенный святой брачный союз во Христе, хвалу Богу воздаем, поюще: **Аллилуиа.**

## Икос 5

**В**идя царственный страстотерпец, яко зарю солнечную, яко Ангела светла, юницу Александру, избра ю себе в благоверную супружницу, православную царицу и мать народа Российскаго. Мы же, ведуще усердное служение ея, воспеваем сице:

**Р**адуйся, именитаго рóда/ благочестивое прозябéние;

радуйся, от лютерския веры к правосла́вию/ образе спасительнаго прехождéния.

**Р**адуйся, всем сёрдцем/ молитву возлюбívшая;

радуйся, о службе Бóжией/ сердечно ревновáвшая.

**Р**адуйся, словом Бóжиим/ и писанием святых отец себе назидáвшая;

радуйся, посты церкóвныя/ благоговейно соблюда́вшая.

**Р**адуйся, русское благочéстие/ достойне восприёмшая;

радуйся, истинныя жíзни/ во Христе приобщи́вшаяся.

**Р**адуйтесь, царственнии страстотерпцы,/ Руси Святыя похвало и украшение.

## Кондак 6

**Проповедницы чистоты святого брака во образ единства Христа и Церкви явились есте, благовернии Николае и Александре Вы бо, благодать сего великаго таинства достойно восприемше, даже до мученическа кончины Христу и друг другу верность сохранили есте, присно воспевающе Богу: Аллилуиа.**

## Икос 6

**Возсия в стране Российстей, яко прекрасная светила, благоверная царственная чета Николай и Александра, истинная домашняя церковь, супрузи, связуемии союзом любви о Господе. Мы же, прославляюще образ их супружескаго целомудрия и добронравнаго жития в мире сем развращением и грешнем, со благоговением воспеваем сице:**

**Радуйтеся, всем сёрдцем/ Бога взыска́вши;**

**радуйтеся, в путех Господних/ непорочно ходи́вши.**

**Радуйтеся, чето честна́я,/ свыше избра́нная;**

**радуйтеся, двоице святáя,/ славою и честию от Бога увенча́нная.**

**Радуйтеся, целомудрие супру́жеское/ многочадием просла́вивши;**

**радуйтеся, чада своя, яко новосаждения ма́сличная,/ окрест трапезы Небесныя собра́вши.**

**Радуйтеся, в супружестве су́щих/ благочестно жити науча́ющи;**

**радуйтеся, ми́р Христов/ оным милостивно низпосыла́ющи.**

**Радуйтеся, царственнии страстотерпцы,/ Руси Святыя похвало и украшение.**

## Кондак 7

**Х**отяще свой дом благочестно устроить, заповеди Господни и брак честен добре соблюли есте, благовернии супруги Николае и Александро. Темже, многочадием свою домашнюю церковь украсивше и дщери своя, яко мудрыя евангельския девы, воспитавше, в невесты Христу уготовали есте. С нимиже ныне вкупе воспеваете Богу: Аллилуиа.

## Икос 7

**Н**овую милость яви Господь народу русскому, добродравныя и целомудренныя дщери благочестивыя царственныя четы: Ольгу, Татиану, Марию и Анастасию. Тыя бо, женам мирносицам подражающия и елей милосердия в душах хранящия, болящим и страждущим усердно послужиша и мученическую смерть за Христа прията. Сего ради прославляем их сице:

**Р**адуйтесь, дщери царёвы, / обетовании Божиих сподобльшиися;

радуйтесь, заповедь Бóжию / о почитании родителей соблюдшия.

**Р**адуйтесь, царскаго достóинства / не посрамившия;

радуйтесь, стихиями мíра / сего не порабощённыя.

**Р**адуйтесь, людем, сущим в бедах и скóрбех, / помогающия;

радуйтесь, за врагóв сво́их / усердно молящияся.

**Р**адуйтесь, агницы непорóчныя, / в жертву Богу себе принёсшия;

радуйтесь, невесты Христóвы, / в чертозех Жениха Небеснаго пребывающия.

**Р**адуйтесь, царственнии страстотерпцы, / Руси Святыя похвало и украшение.

## Кондак 8

**С**транно и чудно бысть рождение твое, святой царевичу Алексие. Плод бо благославлен молитв Саровскаго чудотворца и чаемый царственный наследник родителей быв, слава, надежда и упование явился еси всем концем земли нашея. Сего ради людие Российстии с радостию благодарственно воспеша Богу: **А**ллилуиа.

## Икос 8

**К** вышним душею детскою, яко Ангел, устремляясь, святой царевичу Алексие, родители, сестры, сродники и ближняя искренне возлюбил еси и, яко агнец незлобивый, руками злочестивых убиен, новый отрок страстотерпец явился еси. Сего ради восхваляем тя сице:

**Р**адуйся, отроча, от утробы ма́терния/ Богом предызбранное;

радуйся, чадо, усердными родительскими молитвами/ к чудотворцу Саровскому России даро́ванное.

**Р**адуйся, царевичу добролюбезный и крóткий,/ милосердие в сердце стяжа́вый;

радуйся, страда́льче,/ многия скорби и недуги измлада безропотно терпе́вый.

**Р**адуйся, наследниче Российскаго престóла,/ от беззаконных уби́енный;

радуйся, наследником Царствия Небéснаго/ от Бога явлéнный.

**Р**адуйся, агче непорóчный,/ яко праведный Авель, умерщвлéнный;

радуйся, страстотерпче, к лику святых óтроков,/ яко Димитрий царевич, причтéнный.

**Р**адуйтеся, царственнии страстотерпцы,/ Руси Святыя похвало и украшение.



## Кондак 9

**В**сяк благочестивый удивляется о тебе, царю Николае, како ты во времена, егда в земли нашей истина умалися и подавляшеся неправдою, пребыл еси сын верный Святыя Церкви, защитник и хранитель православныя веры, таже исповедник и мученик Христов. Сего ради Церковь Русская, ликующи, Богу вопиет: Аллилуиа.

## Икос 9

**В**етии зловещаннии тщашася оболгати тя лжою и лестью и истребити память о тебе, царственный помазанниче Божий Николае, кровавым тя нарицающе, обаче погипе память тех с шумом. К тебе же, воистину кровь свою за Христа проливавшему, Российский народ с покаянием вопиет:

**Р**адуйся, прославления прáведников/ и угодников Божиих добрый рачítелю;

радуйся, Кронштадтскаго пастыря и Саровскаго чудотворца/ усердный почитáтелю.

**Р**адуйся, православных хра́мов/ боголюбивый создáтелю;

радуйся, иноческих обítелей/ и монашества благочестивый покровítелю.

**Р**адуйся, Святыя Земли и Горы Афóнския/ щедрый благодворítелю;

радуйся, духовных вертогра́дов/ мудрый попечítелю.

**Р**адуйся, возрождения соборнаго нача́ла/ Церкви Русския устройítелю;

радуйся, восстановления всеросси́йскаго/ патриаршаго престола ревнítелю.

**Р**адуйтеся, царственнии страстотéрпцы,/ Руси Святыя похвало и украше́ние.

## Кондак 10

**С**пасти и сохранить хотя православное царство Российское цело и нерушимо, святой благоверный царю Николае, и видя ослепление народа твоего, отрекшагося от Царя Небеснаго, такожде и земнаго, в душевных муках оставил еси престол земный. Темже, уповая на милость Господа и себе в руке Божии предав, непоколебим в вере и благочестии пребыл еси, воспевая: **Аллилуиа.**

## Икос 10

**С**тена и ограждение был еси всем православным людем Российским, святой благоверный царю Николае, избавляя их от нашествия иноплеменников и братоубийственныя брани и мир же, елико возможно, тщался еси имети со всеми. Мы же, ведуще сие, благодарив тебе воспеваем:

**Р**адуйся, пророчески призвавый наро́ды/ мечи на ора́ла переко́вати;

радуйся, евангельски сподо́бивыйся/ блаженства миротворцев стяжа́ти.

**Р**адуйся, стран словéнских/ надежный зашчítителю;

радуйся, народов державы Росси́йскаго/ сугубый по́печителю.

**Р**адуйся, державы Росси́йскаго/ мудрый правíteлю;

радуйся, во бранех иску́сный/ и доблий воíteлю.

**Р**адуйся, дерзостных дел служителей беззакóния/ тайнаго губíteлю;

радуйся, восставших на Бо́га/ и на тя, яко помазанника Его, посрамíteлю.

**Р**адуйтесь, царственнии страстотерпцы,/ Руси Святыя похвало и украшение.

## Кондак 11

**П**ения всякаго достойна память ваша, святии царственнии страстотерпцы. Вы бо, образ исповедничества и ревности по Бозе верным людем показавше, заповедаете не мстити злодеющим, яко любы токмо победит зло, паче же прощати гонящим и молитву творити за них, благодарственно поюще Богу: Аллилуиа.

## Икос 11

**С**ветоносный светильник седмочисленный ве мы вас, святии царственнии мученицы, царским бо путем шествующе, в жертву благоугодную Агнцу Божию уготоваете себе и невинно смерть приясте. Темже просвещение нам даруйте, озаряюще омраченная сердца наша, и верным путем шествовати научите, прославляющим вас сице:

**Р**адуйтесь, агнцы непорочнии, / Христу Пастырю последовавшии;

радуйтесь, образ исповедничества / верным людем показавшии.

**Р**адуйтесь, от юности / совесть чисту соблювшии;

радуйтесь, жизни конец / достойно восприемшии.

**Р**адуйтесь, седмочисленнии страстотерпцы, / во едином душе Богу представшии;

радуйтесь, кровию мученическою / Церковь Христову украсившии.

**Р**адуйтесь, новомученицы, / за Русь Святую от безбожных пострадавшии;

радуйтесь, лик страстотерпцев Россійских / добле воспольнившии.

**Р**адуйтесь, царственнии страстотерпцы, / Руси Святыя похвало и украшение.

## Кондак 12

**Б**лагодать изрядну Бог дарова Церкви Российскойстей, прославив на Небеси святых царственных страстотерпцы. Сего ради и мы на земли прославляем вас, яко истинныя хранители и покровители страны нашей, и Богу вопием: **Аллилуиа**.

## Икос 12

**П**оюще промышление Божие, подвигшее сердца людей Российских прославити вас, царственный страстотерпцы, на земли евангельски пожившия и за Христа от безбожных пострадавшия и чудеса по смерти прославившия, дерзаем воспевати сице:

**Р**адуйтесь, яко прославлению вашему/ многия люди возрадовашася;

радуйтесь, яко чудеса вашими/ сердца верных укрепяшася.

**Р**адуйтесь, народ Российский/ к покаянию призывающии;

радуйтесь, отеческия заветы/ исполняти нас наставляющии.

**Р**адуйтесь, молитвами вашими/ от междоусобия нас избавляющии;

радуйтесь, в мире и любви/ со всеми жити нам помогающии.

**Р**адуйтесь, яко образы ваши/ мироточением прославляются;

радуйтесь, яко в честь вашу/ храмы созидаются.

**Р**адуйтесь, царственный страстотерпцы,/ Руси Святая похвало и украшение.

## Кондак 13

**О** единокорная великоименитая седмерице, царственнии страстотерпцы, многия скорби, поругания, страдания душевная и смерть телесную за Христа приемшии и венцы небесными от Него увенчанныи! Приимите ныне от нас похвальное прославление и сердечное покаяние и милостивным вашим ходатайством умолите Царя славы мир Церкви нашей даровати, страну в православии, благочестии и единстве сохранить, нам же ожесточения сердечнаго и ослепления избавитися, да сыновне Богу вопием: Аллилуиа. **Трижды.**

### Икос 1

**А**нгели Божии, хранителие душ и телес ваших, наставляху и укрепляху вас, святии, не токмо во страданиях, но присно утверждаху во истиннем пути, да будет житие ваше праведным к увенчанию мученическому; темже прославляем вас сице:

**Р**адуйтесь, страх Божий/ в сердце, яко основание, положившии;

радуйтесь, премудрость Божию/ издетска возлюбившии.

**Р**адуйтесь, не яко наёмницы,/ но сыны Божии, Господу угодившии;

радуйтесь, яко и звания/ друзей Божиих удостоившиися.

**Р**адуйтесь, христианскаго благочестия/ твердое правило;

радуйтесь, православныя веры/ крепкое исповедание.

**Р**адуйтесь, царствующаго рода/ Российскаго утверждение;

радуйтесь, страждущаго народа нашего/ утешение.

**Р**адуйтесь, царственнии страстотерпцы,/ Руси Святыя похвало и украшение.

## Кондак 1

**Избрáннии цáрственнии страстотерпцы седмо-  
чísленнии,/ Христу Бóгу, яко агнцы непорочнии, в  
жертву принéсшиися,/ земли Россiйскiя храните-  
лие и молiтвенницы,/ яко стяжавшии от Царя цар-  
ствующиих и Господа господствующиих благодать мо-  
лiтися за ны,/ от всяких нас бед и напастей свобо-  
дите,/ да благодарственно восхваляем вас:// Радуй-  
теся, цáрственнии страстотерпцы, Руси Святыя по-  
хвало и украшéние.**

### Молитва святым царственным страстотерпцам

**О святыи страстотерпче царю мучениче Николае! Господь  
тя избра помазанника Своего, воеже милостивно и право  
судити людем твоим и хранителем Церкви Православныя  
быти. Сего ради со страхом Божиим царское служение и о  
душах попечение совершал еси. Господь же, испытуюя тя,  
яко Иова Многострадальнаго, попусти ти поношения,  
скорби горькия, измену, предательство, ближних отчуж-  
дение и в душевных муках земнаго царства оставление.  
Вся сия ради блага Россiи, яко верный сын ея, претерпев,  
и, яко истинный раб Христов, мученическую кончину при-  
ем, Небеснаго Царства достигл еси, идеже наслаждаешися  
Вышния славы у Престола всех Царя, купно со святою  
супружницею твоею царицею Александрою и царствен-  
ными чады Алексием, Ольгою, Татианою, Мариєю и Ана-  
стасиею. Ныне, имея дерзновение велие у Христа Царя,  
моли, да простит Господь грех отступления народа нашего  
и подаст грехов прощение и на всякую добродетель наста-  
вит нас, да стяжим смирение, кротость и любовь и сподо-  
бимся Небеснаго Царствия, идеже купно с тобою и всеми  
святыми новомученики и исповедники Россiйскими про-  
славим Отца и Сына и Святаго Духа, ныне и присно и во  
веки веков. Аминь.**